


O presente documento estará  
 exposto no Taboeiro de  
 Anuncios desta Deputación  
 desde o día 18-04-2022  
 ata a día 30-04-2022  
 O XEFE DA UNIDADE  
 PORTERÍA E VIXIANCIA



## PRAZO PRESENTACIÓN INSTANCIAS: DO 19 AO 28 DE ABRIL

### Anuncio

**ANUNCIO ACORDO DA XUNTA DE GOBERNO DA DEPUTACIÓN PROVINCIAL DE LUGO DE DATA 25.03.2022 NA QUE SE APROBA A CONVOCATORIA E BASES ESPECÍFICAS PARA CONSTITUIR UNHA LISTAXE DE EMPREGO DE OFICIAL DE OFICIOS MÚLTIPLES PARA PRESTAR SERVIZOS DE CARÁCTER TEMPORAL NA DEPUTACIÓN PROVINCIAL DE LUGO.**

A Xunta de Goberno da Deputación Provincial de Lugo, en sesión ordinaria celebrada en data 25 de marzo de 2022, adoptou, entre outros, o seguinte acordo:

"Vistos os criterios polos que se rexe a incorporación de persoal para prestar servizos temporais na Deputación Provincial de Lugo, regulados polas resolucións da presidencia das seguintes datas: 29.09.2009 (BOP núm. 231, do 08.10.2009); 16.12.2011 (BOP núm. 294, do 26.12.2011) e 14.02.2019 (BOP núm. 039, do 15.02.2019).

Constatando que a entidade ten necesidade de constituír unha listaxe de emprego temporal de Oficial/a de Oficios Múltiples para poder atender ás necesidades dos servizos e xestionar axilmente a incorporación de efectivos deste tipo funcional, cando sexa precisa e estea xustificada a súa incorporación conforme ás esixencias da normativa vixente, en particular ás referidas no artigo 20.4 da Lei 22/2021, do 28 de decembro, de orzamentos xerais do Estado para o ano 2022, proponse á Xunta de Goberno para que, segundo as facultades que lle confire artigo 59.5 do Regulamento Orgánico da Deputación Provincial de Lugo de data 30 de xuño de 2020 (publicado do BOP núm. 202, do 03.09.2020), **ACORDE:**

1º Aprobar a convocatoria do procedemento selectivo para a constituición dunha listaxe de emprego temporal de **OFICIAL/A DE OFICIOS MÚLTIPLES**, grupo C - subgrupo C2, para xestionar de xeito áxil as necesidades deste tipo de persoal e poder efectuar nomeamentos ou contratacións de persoal temporal polas causas reguladas no art. 10.1 do Real decreto lexislativo 5/2015, do 30 de outubro, polo que se aproba o texto refundido da Lei do estatuto básico do empregado público ou, no seu caso, polo artigo 15 do Real decreto lexislativo 2/2015, do 23 de outubro, polo que se aproba a texto refundido da Lei do estatuto dos traballadores.

2º Que a presente convocatoria se rexa polas bases xerais polas que se establecen as normas para a elaboración de listaxes para a prestación de servizos de carácter temporal na Deputación Provincial de Lugo (cota Xeral ou cota de persoas con discapacidade), aprobadas na Xunta de Goberno de 13 de marzo de 2020 (BOP núm. 079, do 6.04.2020), corrección de erros aprobado na Xunta de Goberno de 10 de xullo de 2020 (BOP núm. 161, do 15.07.2020).

3º Aprobar as bases específicas que complementan as bases xerais que rexen a elaboración de listaxes para prestación de servizos de carácter temporal na Deputación Provincial de Lugo de **OFICIAL/A DE OFICIOS MÚLTIPLES**, grupo C -subgrupo C2.

4º Convocar publicamente a quen, cumprindo os requisitos enumerados na base xeral 4 e na base específica 4, desexe participar no correspondente procedemento selectivo.

5º Ordenar a publicación da presente convocatoria e bases específicas no Boletín Oficial da Provincia (BOP) e nos lugares determinados na base xeral 3.

6º Realizar cantos trámites sexan necesarios para levar a cabo o correspondente procedemento selectivo.

A Xunta de Goberno, por unanimidade dos asistentes acorda prestar aprobación a proposta presentada e anteriormente transcrita."

Contra o presente acordo, que pon fin a vía administrativa, poderase interpoñer con carácter potestativo, recurso de reposición, diante da Xunta de Goberno no prazo dun mes contado a partir do día seguinte o da publicación deste acordo no BOP ou ben recurso contencioso administrativo diante do Xulgado Contencioso - Administrativo de Lugo no prazo de dous meses contados dende o día seguinte o da citada publicación, sen prexuízo de que se interpoña calquera outro que se estime oportuno.

## BASES ESPECÍFICAS PARA CONSTITUIR UNHA LISTAXE DE EMPREGO PARA PRESTAR SERVIZOS TEMPORAIS NA DEPUTACIÓN PROVINCIAL DE LUGO EN PRAZAS/POSTOS/EMPREGOS DE OFICIAL DE OFICIOS MÚLTIPLES.

### 12. OBXECTO DAS BASES ESPECÍFICAS

O obxecto das presentes bases específicas é complementar as Bases Xerais polas que se establecen as normas para a elaboración de listaxes para a prestación de servizos de carácter temporal na Deputación Provincial de Lugo (cota xeral ou cota de discapacitados) aprobadas na Xunta de Goberno de 13.03.2020 (BOP núm. 079, do 6.04.2020), corrección de erros aprobados na Xunta de Goberno de 10.07.2020 (BOP núm. 161, do 15.07. 2020).

### 13. CARACTERÍSTICAS DA PRAZA/POSTO/EMPREGO DA LISTAXE QUE SE CONVOCA

DENOMINACIÓN	GRUPO SUBGRUPO	ADSCRICIÓN	RETRIBUCIÓN
OFICIAL/A DE OFICIOS MÚLTIPLES	GRUPO C - SUBGRUPO C2	Ás distintas unidades administrativas que requiran das ditas funcións especializadas, unha vez motivada a preceptiva necesidade urxente e inaprazable da incorporación.	As correspondentes á praza e ao posto de nivel de entrada.

### 14. COMETIDO FUNCIONAL

En canto ao contido funcional da praza/posto/emprego que se convoca será o sinalado na vixente Relación de Postos de Traballo da Deputación Provincial de Lugo ou, se é o caso, na disposición que a substitúa.

En ausencia dos anteriores instrumentos, as persoas ocupantes realizarán as funcións que lles sexan atribuídas por calquera outra norma ou pola persoas que exerza a superioridade xerárquica.

### 15. REQUISITOS QUE DEBEN CUMPRIR AS PERSOAS ASPIRANTES PARA SER ADMITIDAS AO PROCESO SELECTIVO

Como complemento na base xeral 4, as persoas aspirantes deberán estar en posesión:

- Da seguinte titulación académica, de acordo co artigo 76 do Real decreto legislativo 5/2015, do 30 de outubro, polo que se aproba o Texto Refundido da Lei do Estatuto Básico do Empregado Público: **Graduado/a en ESO ou equivalente.**
- Do permiso de conducir categoría o clase B (coches e vehículos lixeiros)**

### 16. NIVEL DE GALEGO ESIXIDO: Celga 3

### 17. PROGRAMA

#### A) MATERIAS COMÚNS:

**Tema 1.-** A Constitución Española. Principios Xerais. A provincia como entidade local. A Deputación de Lugo as súas competencias, organización e dependencias.

**Tema 2.-** A organización territorial do Estado na Constitución Española de 1978. Os Estatutos de Autonomía con especial referencia ao Estatuto de Galicia.

#### B) MATERIAS ESPECÍFICAS:

**Tema 3.-** Instalacións de subministro de auga no interior dos edificios. Acometida e distribución. Partes de que constan e función de cada unha delas. Conducións, mecanismos e materiais empregados. Mantemento básico dos elementos que conforman a instalación. Patoloxías mais habituais.

**Tema 4.-** Instalacións de evacuación en edificios. Augas residuais e augas pluviais. Rede de evacuación. Partes de que consta. Patoloxías mais comúns.

**Tema 5.-** Soldadura en tubaría de cobre e chumbo. Soldadura en ferro e aceiro inoxidable. Materiais e ferramentas utilizadas. Procedemento a seguir na execución de cada un destes casos de soldaduras.

**Tema 6.-** Morteiros. Definición. Compoñentes que interveñen. O seu amasado e proporcións. Tipos de morteiros. As súas características construtivas e utilidades. Maquinaria e ferramentas utilizadas para a súa elaboración e posta en obra.

**Tema 7.-** Ferramentas de carpintería mais usuais. Ferramentas de man e máquinas. A súas funcións e manexo. O seu mantemento.

**Tema 8.-** Circuitos eléctricos no interior de edificios e instalacións. Condutores. Seccións mais habituais. Elementos que constitúen o circuito: Mecanismos de mando. Interruptor, pulsador, conmutador, cruzamento, telerruptor,

portafusíbeis, portalámpadas, enchufes bipolares, enchufes Schuko, enchufes cetac monofásicos e trifásicos. O seu conexionado. Cadros de protección. Elementos dos que constan.

**Tema 9.-** Pintado de paramentos interiores e exteriores. Tipos de pintura utilizados. Materiais e ferramentas necesarias. Procedemento de execución.

**Tema 10.-** Limpeza e reparación de cubertas, caleiros e baixantes. Maquinaria e ferramentas utilizadas. Equipo de protección individual necesario neste traballo.

Lugo, 6 de abril de 2022 .- O SECRETARIO XERAL, José Antonio Mourelle Cillero.

R. 0822

O presente documento estará  
exposto no Taboeiro de  
Anuncios desta Deputación  
desde o día 18-04-2022  
ata a día 30-04-2022  
O XEFE DA UNIDADE  
PORTERÍA E VIXIANCIA

